

AUGLÝSING

um skipulag í Hrunamannahreppi.

a. Deiliskipulag frístundabyggðar í Álftabyggð.

Samkvæmt skipulags- og byggingarlögum nr. 73/1997 samþykkti sveitarstjórn Hrunamannahrepps þann 15. desember 1999 deiliskipulag frístundabyggðar „Álftabyggð“ í landi Efra-Sels, Hrunamannahreppi.

b. Breyting á deiliskipulagi vestan Ásabyggðar.

Samkvæmt skipulags- og byggingarlögum nr. 73/1997 samþykkti sveitarstjórn Hrunamannahrepps þann 15. desember 1999 breytingu á deiliskipulagi gróðurhúsaræktunarsvæðis vestan Ásabyggðar á Flúðum, Hrunamannahreppi.

c. Deiliskipulag íbúðarbyggðar á Hofatúni.

Samkvæmt skipulags- og byggingarlögum nr. 73/1997 samþykkti sveitarstjórn Hrunamannahrepps þann 23. febrúar 2000 deiliskipulag íbúðarbyggðar á Hofatúni, Flúðum, Hrunamannahreppi.

Deiliskipulagið hefur verið kynnt Skipulagsstofnun og hlotið meðferð skv. 25. gr. skipulags- og byggingarlaga nr. 73/1997.

Breytingin öðlast þegar gildi.

Flúðum, 6. mars 2000.

Loftur Þorsteinsson oddviti.

8. mars 2000

Nr. 171

GJALDSKRÁ

fyrir sorphirðu í Ísafjarðarbæ.

1. gr.

Bæjarstjórn Ísafjarðarbæjar er heimilt að leggja á sérstakt gjald vegna sorphirðu (sorphreinsunar og sorpeyðingar) í Ísafjarðarbæ.

2. gr.

Gjaldið er árlega sem hér greinir:

A) Íbúðir, íbúðarhúsnæði	Sorphreinsigjald	kr. 3.500 á íbúð
	Sorpeyðingargjald	kr. 5.400 á íbúð
	Sorphirðugjöld alls	kr. 8.900 á íbúð

Sumarbústaðir, íbúðarhúsnæði í dreifbýli og íbúðarhúsnæði með ákvæði um takmörkun á íveru vegna snjóflóðahættu:

Sorpeyðingargjald kr. 2.700 á fasteign

Gjaldið skal innheimta með fasteignagjöldum.

B) Fyrirtæki, stofnanir, félag og aðrir lögaðilar:

Flokkur	Sorpeyðingargjald kr.	Flokkur	Sorpeyðingargjald kr.
1	0	7	226.800
2	16.200	8	372.600
3	32.400	9	567.000
4	64.800	10	745.200
5	97.200	11	15 kr/kíló
6	162.000		

Aðilar skulu sjálfir sjá um að koma úrgangi á móttökustað.

Gjaldið innheimtist með fasteignagjöldum hjá þeim aðilum sem eiga fasteignir. Fyrir aðra greiðendur verður gefinn út sérstakur reikningur í byrjun árs, með sömu gjalddögum og fasteignagjöld.

Dráttarvextir reiknast 30 dögum eftir gjalddaga.

3. gr.

Bæjarstjórn Ísafjarðarbæjar setur sérstaka gjaldskrá fyrir þjónustu FUNA sem veitt er aðilum utan marka kaupstaðarins. Ef aðili er með rekstur bæði innan og utan marka bæjarfélagsins skal greiða sérstaklega fyrir förgun sorps frá þeim hluta starfseminnar sem staðsett er utan Ísafjarðarbæjar. Fyrir förgun brotajárns skal greiða sérstaklega 6 kr. fyrir hvert kíló. Aðilar skulu sjálfir sjá um að koma brotajárni á móttökustað í FUNA.

Heimilt er að innheimta fyrir urðun á rækjuskel og öðrum stoðgrindum hryggleysingja sem svarar áætluðum urðunarkostnaði sem bæjarstjórn hefur samþykkt.

4. gr.

Að lokinni álagningu gjalda, samkvæmt B. lið 2. gr., gefst greiðendum 30 daga frestur til að gera athugasemdir við gjalddögu bæjarstjórnar. Ósk um breytingu gjalda skal vera skrifleg og vel rökstudd og er bæjarstjórn heimilt að breyta gjalddögu með tilliti til réttmæti framsettra athugasemda.

5. gr.

Gjaldskrá þessi, sem er samin og samþykkt af bæjarstjórn Ísafjarðarbæjar, er sett samkvæmt samþykkt fyrir sorphirðu hjá Ísafjarðarbæ, nr. 135/2000 og 25. gr. laga nr. 7/1998 um hollustuhætti og heilbrigðisefirlit, með síðari breytingum, til þess að öðlast gildi þegar í stað. Frá sama tíma fellur úr gildi gjaldskrá fyrir sorphirðu í Ísafjarðarbæ nr. 25/1999.

Ísafjarðarbæ, 8. mars 2000.

Halldór Halldórsson bæjarstjóri.

SAMÞYKKT

um kattahald í Húnaþingi vestra.

1. gr.

Kattahald í Húnaþingi vestra sætir þeim takmörkunum sem greinir í samþykkt þessari.

2. gr.

Allir heimiliskettir í þéttbýli í Húnaþingi vestra skulu skráðir á skrifstofu Húnaþings vestra og þar fær eigandi hans afhenta númeraða plötu með skráningarnúmeri kattarins, sem alltaf skal vera í ól um háls dýrsins.